

guliere den Mercurium. Ein Milch die alle Metalla verwädelt in warhafte Lunam. Vnd ein anderer Philosophus: Der weisse Stein wirt ein weiß Goldt genannt/ vnd ist wie ein weiß öll wie der Schnee. Wann er nuhr vollkommen ist also das er fließet wie ein Wachs ohn rauch vnd frachen/ als dan wirt er eigentlich Lac virginis genant nach dem Gallinario. Vnd im Buch Saturni wirt gelesen: Er wirt sein wie ein Milch die wie Wachs fließet/ vnd durchdringet wie ein wasser das bestendig im Feuw ist: vnd fele sein zal vber tausend. Er wirt auch ein wasser des Lebens genannt/ dann er erleuchtet alle vnfaubere ding/ wie eben daselbst offenbar ist. Er wirt auch ein ewig wasser genannt/ vnd mit viel andern namen mehr. Dieses aber wirt nach etlicher in der putrefaction verricht in 36. tagen/ andere sagen in 70. andere in 80. tagen/ ic.

C A P V T X X I I X.

Daß das Regiment vnser's Steins in der  
Coniunction Spiritus vnd Corporis  
Göttlich sey.

**E**s wirt aber diese Kunst Göttlich genennet/ von wegen eines theils des Regiments/ der vber die Natur/ vnd vber den verstandt ist/ wie alle Philo'ophi sagen. Dasselbe Göttliche Regiment aber geschicht zur zeit der weiffung/ wann nemlich die zusamenfügung der Seelen/ der geister vnd der Körper die da seindt geweiff worden/ geschicht. Dann diese coniunction ist an dem schirm Gottes gelegen. Dann es geschicht schnell/ nemlich das die Medicin das Argentum viuum coaguliert/ nicht das gemeine sonder des Steins/ wo er nicht in seinem vrsprung coaguliert werde mit derselben Medicin/ darvon Geber redt/ so flencht er hinweg mit derselben ganzen Medicin. Dann er redt daselbst nicht von dem gemeinen Quecksilber/ ob sich wol die wort also lassen ansehen: sonder von dem Quecksilber das da coaguliert vnd bestendig ist zu dem Elixir. Daher dann von anfang nuhr ein Materi muß sein in der die tugent des Körpers spiritus vnd animæ sey/ gleich der Mineralischen Medicin/ die nicht bedörffe eines andern eufferlichen dings zum gehilffen: sonder habe das jenige alles in sich dessen sie zu ihrer Würckung des Regiments von nöthen ist/ es sey gleich zur sublimation/ oder zur fixation/ oder zur schmelzung/ oder zur congelation/ oder was dergleichen ist. Dann es sagt Liliū: Es ist nuhr ein ding das in sich hatt ein corpus, animam vnd spiritum, die zugleich tingirn

¶